

Script of Morning Gojri News Bulletin 13 December 2024 at 1015Hrs

مارننگ گو جری نیوز بلیٹن مورخہ 13 دسمبر 2024

یوہ آکا شوانی جموں ہے محمد اکرم چودھری تیں خبر سنو۔

PM Development Project

وزیر اعظم نریندر مو دی مہا کنب میلہ 2025 توں پہلاں اج پریاگراج مانہ 5 ہزار 5 سو کروڑ گی مالیت آلا کثیر ترقیاتی پروجیکٹاں غو افتتاح کریں گا۔ ان پروجیکٹاں مانہ 10 نواں سڑکاں ور پُل تے فلائی اور شامل ہیں۔ یہ تمام پریاگراج تے ات سفر کرن آلاں واسطے رابطہ نانہ آسان بناویں گا۔ جناب مو دی گنگا نانہ گندگی توں محفوظ رکھن آلا پروجیکٹاں غو وی افتتاح کریں گا۔ وزیر اعظم اج پیشی سوا 12 بجے پریاگراج پُج رہیا ہیں۔

LG Transformation

لیفٹنٹ گو رنر منوج سنہا نے پچھلے تہاڑے کہیو ہے جے جموں کشمیر سرکار ساراں واسطے برابری تے سماجی انصاف نانہ یقینی بنان غی وعدہ بند ہے۔ انہاں نے کہیو ہے جے پچھلا 5 بہراں مانہ جموں کشمیر نے ترقیاتی ڈھانچہ تے روکیا واہ کماں مانہ رفتار آئی ہے۔ لیفٹنٹ گو رنر نے نامور جنرل زوراور سنگھ غا شہیدی تہاڑا غا موقعہ ور اُن نانہ خراج عقیدت پیش کیو اور اس موقعہ ور ڈوگرہ دور غا جنگجو بارے گل کرتاں واں کہیو ہے اُن نے ڈوگرہ سلطنت نانہ بدھان واسطے بڑو اہم رول ادا کیو ہے۔ لیفٹنٹ گو رنر نے وزیر اعظم نریندر مو دی غی قیادت مانہ جموں کشمیر غی سرکار غی طرفوں کوششاں نانہ سانجا کیو۔ اس دوران جموں کشمیر مانہ پچھلا کُجھ سالان غا بدلاؤ ور گل کرتاں واں انہاں نے کہیو ہے سب واسطے برابری تے سماجی انصاف سرکار واسطے اولین ترجیح ہے۔

CM Information

وزیر اعلیٰ عمر عبداللہ نے گذشتہ روز سول سیکریٹریٹ جموں مانہ اطلاعات محکمہ غا افسراں غی موثر جائزہ میٹنگ غی صدارت کی۔ میٹنگ غے دوران محکمہ غی کارکردگی نانہ بہتر بنان ور غور و خوض کیو گیو۔ اس دوران وزیر اعلیٰ نے فلم بنان واسطے اجازت دین خاطر سینگل وینڈو پورٹل غا کم بارے جانیو پالیو۔ انہاں نے اس عمل مانہ تیزی آتیا جان ور زور پایو، تاکہ فلم بنان آلا بغیر کسے رکاوٹ اجازت حاصل کر سکیں۔

DC Rajouri

راجو ری غا بدھل مانہ مشکوک غیر معیاری کھانہ گا واقعہ غا سلسلہ مانہ ڈپٹی کمشنر راجو ری ابھیشیک شرما نے سینئر افسراں، ڈاکٹراں غی ٹیم تے ماہرین نے گذشتہ روز علاقہ غو دورو لا غے اُت سوگوار کنبہ نال اظہار تعزیت کی تے نال ہی زمینی سطح ور جائزو لیو۔ اس واقعہ مانہ وجہ غو پتو لان واسطے خوراک تے پانی غا نمونہ اکھٹا کر غے فارنسک سائنس لیبارٹری مانہ پیچن غی کارروائی چل رہی ہے۔ ڈپٹی کمشنر نے ایف ایس ایل حکام نانہ کہیو ہے جے وے نتائج صحیح طریقہ نال باندے آئیں، سرگرمی نال نگرانی غو عمل پلک توں شروع ہو رہیو ہے۔ جس مانہ رہا شیاں مانہ پانی جان آلی علامتاں بارے پتو لایو جاسکے گو۔ ماہرین غی ٹیم جموں توں روانہ کر دتی گئی ہیں،

جت اُن نانہ حالات نال نمڑن واسطے اضافی مدد وی دتی گئی ہے۔ اس تیں علاوہ اک کنٹرول طریقہ کار تے ہیلپ لائن نمبر وی جاری کیو گیو ہے۔ جس مانہ لوک فوری طور ور مدد حاصل کر سکیں گا۔

SSP Traffic

ایس ایس پی ٹریفک رام بن نے بانہال تے چناب ویلی آلے پاسے جان آلا تمام گڈیں چالکاں تے سیاحاں واسطے اک ایڈوائزری جاری کی ہے، جس مانہ ایس ایس پی روہت بسکوترہ نے کہیو ہے جے تمام گڈیں چالک پتنی ٹاپ تے بانہال آلے پاسے جان توں پہلاں کجھ احتیات پرتیں تا کہ حادثاں توں بچو جا سکے۔

ACR Kishtwar

جاری نفاذ مہم غے چلتیں اسسٹنٹ کمشنر رویونیو، اے سی آر کشتواڑ ادریش لون غی قیادت مانہ اک مشترکہ ٹیم نے تحصیلدار کشتواڑ نربھے شرما اور محکمہ ٹریفک غا افسراں، پولیس، ایچ آئی ڈی سی ایل، گریف غے نال اک سخت کاروائی کی، جس مانہ قومی شاہراہ غے نال لگتا قصبہ مانہ ٹریفک غی خلاف ورزی تے غیر مجاز رہیڑی پھڑی غے خلاف آئی گئی ہے۔ اس مہم غو مقصد کشتواڑ غی بستی مانہ ٹریفک نانہ ہموار بنان تے پیدل چلن آلاں نانہ پریشانی تیں پاک نقل و حمل یقینی بنانو ہے۔ اس دوران قومی شاہراہ غے نیڑے غیر قانونی قبضہ آلا سٹالاں تے کھڑی گڈیاں نانہ ہٹایو گیو۔ اس دوران خلاف ورزی کرن آلی گڈیاں غا چالان وی کیا گیا، اور کجھ گڈیں ضبط وی کی گئیں۔ جس مانہ مجموعی طور ور 20 ہزار روپیہ وی خلاف ورزی کرن آلا کولوں وصولیہ گیا۔

اس غے نال ہی خبراں غو یوہ بلیٹن ختم ہوو۔